

ՀԱՅ ԺՈՂՈՎՐԴԻ ՄԱՍՆԱԿՑՈՒԹՅՈՒՆԸ ՀՈԿՏԵՄԲԵՐԻ ՀԱՂԹԱՆԱԿԻ ՀԱՄԱՐ ՄՂՎԱԾ ՄԱՐՏԵՐԻՆ

Պատմ. գիտ. դոկտոր Ա. Ն. ՄՆԱՑԱԿԱՆՅԱՆ

Սովետական Միության բոլոր ազգերի հետ միասին հայ ժողովուրդը հանդիսավորությամբ տոնելով Հոկտեմբերյան սոցիալիստական մեծ հեղափոխության 50-ամյակը, վերհիշում է իր անցած ուղին, վերլուծում անցյալի իրադարձությունները, կշռադատում այն մեծ սյուրճարի նշանակությունը, որին ակտիվորեն մասնակցել է ինքը, չխնայելով իր զավակների ուժերը, արյունը և կյանքը:

Հայ ժողովուրդը արթուն և զգաստ ունկնդրեց 1917 թ. հոկտեմբերին Ռուսաստանում հաղթանակած հեղափոխության ձայնին, ողջունեց հեղափոխությունը և պայքարի ելավ սովետական նոր կարգի հաղթանակի համար: Նա Հոկտեմբերյան հեղափոխությանը տվեց լավագույն զինվորներ, որոնցով իրավունք ունի հպարտանալու: Այդ զինվորները հանդես եկան հեղափոխության գլխավոր օջախներում՝ Պետրոգրադում և Մոսկվայում, ռուսական բանակի գլխավոր զորակայանում և ռազմաճակատներում, նահանգական և մարզային կենտրոններում՝ Մինսկում և Բաքվում, Ռոստովում և Կրասնոդարում, Սիմֆեռոպոլում և Աստրախանում, Տաշքենդում և Սամարգանդում:

Հոկտեմբերյան հեղափոխության օրրան Պետրոգրադում ծավալված հեղափոխական մեծ իրադարձությունների մեջ Հայաստանի զավակները աչքի ընկնող դեր կատարեցին:

Պետրոգրադում և ամբողջ երկրում հոկտեմբերյան զինված ապստամբությունը կազմակերպելու գործում ակտիվ մասնակցություն ունեցան Ստեփան Շահումյանը, Ալեքսանդր Մյասնիկյանը, Սուրեն Մարտիրոսյանը (Ավանեսովը), Միքայել Տեր-Հարությունյանցը և ուրիշներ: Ստեփան Շահումյանը 1917 թ. հունիսին ժամանեց Պետրոգրադ, մասնակցեց սովետների համառուսաստանյան I համագումարին, իսկ սեպտեմբերին կրկին Պետրոգրադում էր և մասնակցում էր բոլշևիկների կենտկոմի պատմական նիստերին, որոնք որոշումներ ընդունեցին զինված ապստամբության և իշխանությունը գրավելու մասին: Ալ. Մյասնիկյանը բոլշևիկների կուսակցության VI համագումարի պատվիրակ էր ընտրվել Մինսկի կազմակերպությունից: Համագումարում նա պեկուցում տվեց արևմտյան մարզում և ճակատում բոլշևիկների գործունեության, ինչպես նաև զինված ապստամբության նախապատրաստման ուղղության մասին: Բանակում կուսակցական-քաղաքական աշխատանքի խնդիրների մասին:

Ալ. Մյասնիկյանը խոշոր գործունեություն ծավալեց Բելոռուսիայում, որտեղ նա Կենտգործկոմի նախագահն էր և ապա Բելոռուսիայի կոմպարտիայի Կենտկոմի նախագահը, ինչպես նաև Բելոռուսական սովետական կառավարու-

1 Տե՛ս Протоколы VI съезда РСДРП(б), М., 1934, էջ 66—67:

թվան առաջին ղեկավարը: Այնուհետև նրան տեսնում ենք արևմտյան ռազմաճակատի հրամանատարի պոստում: Հետագայում նա փոխարինում է գերագույն գլխավոր հրամանատար Կոնկենկոյին և 1917 թ. դեկտեմբերի հերոսական արերին աշխատում որպես Սովետական Ռուսաստանի բոլոր բանակների գերագույն գլխավոր հրամանատար², 1918 թ. գարնանը՝ Վոլգայի ռազմաճակատի գլխավոր հրամանատար, իսկ 1919 թ.՝ Մոսկվայի պաշտպանության օպերատիվ շտաբի պետ և ՌԿ(Բ)Կ Մոսկվայի կոմիտեի քարտուղար³:

Սարգիս Բաղդատյանը ղեկն ունակցիայի տարիներին եղել էր Պետերբուրգի բոլշևիկյան կոմիտեի անդամ: Հետո նա ձերբակալվել և աքսորվել էր Սիբիր, իսկ փնտրվարյան հեղափոխությունից հետո հեռավոր Իրկուտսկից վերադարձավ Պետրոգրադ և շուտով ընտրվեց Պետրոգրադի բոլշևիկյան կոմիտեի քարտուղար⁴: Մայրաքաղաքի բոլշևիկների ղեկավարներից մեկը լինելով, Բաղդատյանը ակտիվ գործունեություն ծավալեց հոկտեմբերյան մարտերը նախապատրաստելու համար:

Պետրոգրադում գինված ապստամբության նախապատրաստման ղեկավարներից մեկն էլ Միքայել Տեր-Հարությունյանցն էր: Նա հոկտեմբերի 20-ին նշանակվեց ռազմա-հեղափոխական կոմիտեի կուլիսար Պետրոպավլովսկի բերդում և նրան տրվեց № 1 մանդատը⁵: Բերդի կոմիսար էր նշանակվել նաև Բլագոմիրավովը, որն աշխատում էր Տեր-Հարությունյանցի հետ ձեռք-ձեռքի աված: Երկու կոմիսարները, հենվելով Պետրոպավլովսկի բերդի կայազորի բոլշևիկյան կազմակերպության վրա, ապահովեցին 100 հազար հրացանի և մեծ քանակությամբ ռազմանյութի բաշխումը Պետրոգրադի բանվորական զորքի հային, գինված ապստամբների գլխավոր ուժին: Պետրոգրադի ռազմա-հեղափոխական կոմիտեում Ֆ. Չերժինսկու, Ն. Պոզվոյսկու, Մ. Կեդրովի, Անտոնով-Օվսենենկոյի և ուրիշների հետ միասին ակտիվորեն գործում էին Սուրեն Մարտիրոսյանը (Ավանեսովը), որը համառուսական Կենտգործկոմի ներկայացուցիչն էր, և Լևոն Միքայելի Կարախանյանը (Կարախանը), որը Պետրոգրադի սովետի գործկոմի քարտուղարը լինելով, միաժամանակ հանդիսանում էր ռազմա-հեղափոխական կոմիտեի անդամ և քարտուղարներից մեկը⁶:

Հոկտեմբերյան գինված ապստամբություն պատմության վառուպանձ էջերից մեկը Չմեռային պալատի գրոհը և ժամանակավոր կառավարության տապալումն էր: Չմեռային պալատի չրավման էպոպեան բանվորների, զինվորների և նավաստիների հեղափոխական սխրագործության ամենավառ արտահայտությունն էր: Այդ հերոսական սխրանքները կատարողների մեջ ռուս, ուկրաինացի, լատիշ և այլ ժողովուրդների զավակների շարքերում կովում էին տասնյակ հայ զինվորներ ու զվարդիուկաններ: Ահա նրանք, Չմեռային պալատի գրոհի մասնակիցները՝ Մուկար Մարտիրոսյան—դասակի հրամանատար, Տիգրան Ալեքսանյան—գործադիր քաղաշխատող, Լևոն Պիճիկյան—կոմունիստ, սպա, Միրոն Օհանյան—այն գրահապատի վարորդը, որը Լենինին ֆինլանդա-

² ЦГВИА, ф. Библиотека, № 2293, л. 1294.

³ Партархив московского филиала ИМЛ, ф. 3, оп. 1, д. 156, л. 24.

⁴ ՏՃՍ ՍՄԿԿ Կենտկոմին կից մարքսիզմ-լենինիզմի ինստիտուտի ԿԿԱ, ֆ. 124, ց. 1, գ. 224, թ. 5.

⁵ ՏՃՍ ՍՄԿԿ Պարտարխив ленинградского филиала ИМЛ, ф. И-1, св. 51, д. 511, л. 4.

⁶ ՏՃՍ ՍՄԿԿ Петроградский Военно-Революционный комитет. Документы и материалы, т. I, М., 1966, էջ 199, 231, 251.

էան կայարանից տարավ Կշեսինսկայայի պալատը, Ալեքսանդր Վերմիշն—բանաստեղծ, գլխորդիակուն ջոկատի կոմիսար, Գրիգոր Խախանյան—զինվորական, սովետների II համագումարի պատգամավոր, Սիսակ Բարախանյան—վաշտի հրամանատար, կոմունիստ, որն իր վաշտով մասնակցել էր Նիկոլայ Նրկրորդի և նրա ընտանիքի ձերբակալմանը, Սարգիս Սրապիոնյան (լուկաշին)—սակրավորների գումարտակի կոմիսար, և տասնյակ ուրիշ գլխորդականներ, շարքային զինվորներ, հրամանատարներ: Ձմեռային պալատի գրավման հերոսամարտին ակտիվ աջակցություն էին ցույց տալիս բալթիական նավատորմի հեղափոխական նավաստիները, որոնց շարքում էին հայ ծովային սպաներ Հովհաննես Տեր-Իսահակյանը (ՍՍՀՄ նավատորմի ծովակալ Ի. Ս. Իսակով), Ալեքսանդր Գարսուկը և ուրիշներ:

Հայ ժողովրդի ներկայացուցիչները ակտիվ մասնակցություն ցուցանեցին սովետների համառուսաստանյան II համագումարին, որը հանդիսացավ սովետական իշխանության հիմնադիր համագումարը և ընտրեց պրոլետարիատի դիկտատուրայի առաջին օրգանները՝ համառուսական Կենտգործկոմ և Ժողովրդական կոմիսարների սովետ⁷: Հայաստանի ղավակներին կարելի էր տեսնել նաև սովետների III համագումարում և հետագա համագումարներում, որոնք վերջնականապես ամրապնդեցին աշխատավորների հաղթանակը տապալված բուրժուական կարգերի նկատմամբ, դրեցին սովետական սոցիալիստական նոր հասարակարգի հիմքերը: Այդ համագումարներում ընտրված համառուսական Կենտգործկոմի անդամներից էին Ստ. Շահումյանը, Ալ. Մյասնիկյանը (որը նաև Կենտգործկոմի նախագահության անդամ էր), Սուրեն Մարտիրոսյանը (Ավանեսովը), Վաղարշակ Տեր-Վահանյանը, Լևոն Կարախանը, Վահան Տերյանը, Պոռշ Պոռշյանը և ուրիշներ:

Հայ ականավոր գրող Պերճ Պոռշյանի որդին՝ Պոռշ Պոռշյանը, լինելով ձախ էսեռների ղեկավարներից մեկը, հոկտեմբերյան հեղափոխության օրհասական պահերին պայքար ծավալեց աջ էսեռների պարագլուխներ Կերենսկու, Չեռնովի և մյուսների դեմ, վճռականորեն անցավ Լենինի կողմը, մասնակցեց Ձմեռային պալատի գրավմանը: 1917 թ. դեկտեմբերին Պոռշ Պոռշյանը մտցվեց սովետական կառավարության մեջ և նշանակվեց փոստի ու հեռագրի ժողկոմ. նոյեմբերի 19-ին Կենտգործկոմում ստեղծվեց «ազգային հարցի գծով բաժին», որի ղեկավար հաստատվեց Պոռշյանը⁸:

1918 թ. հունվարի 15-ին Ժողկոմսովետը հաստատեց սովետական պետության զինված ուժեր՝ կարմիր բանակ կազմակերպելու մասին պատմական դեկրետը, որը Ժողկոմսովետի նախագահ Լենինի հետ միասին ստորագրեցին նաև կառավարության անդամներ Կոիլենկոն, Պոզվոյսկին, Պոռշյանը, Անտոնով-Օվսենենկոն և ուրիշներ⁹: Մարտի սկզբներին ստեղծվեց Բարձրագույն ռազմական խորհուրդ, որի ղինվորական ղեկավար հաստատվեց Մ. Բ. Բոնչ-Բրուկիչը, իսկ Լենինի ստորագրած որոշմամբ Բարձրագույն ռազմական խորհրդի քաղաքական կոմիսարներ հաստատվեցին Պոռշ Պոռշյանը և Կ. Ի. Շուտկոն¹⁰: Բրեստի հաշտության հետ շահամայնվելով, Պոռշյանը հուլիսին դուրս

⁷ Տե՛ս Второй всероссийский съезд Советов, М., 1918, էջ 91, 111, 112 և հտ.:

⁸ ЦГАОР СССР, ф. 1235, оп. 17, д. 6, л. 1.

⁹ ЦПА ИМЛ, ф. 2, Ժողկոմսովետի 1918 թ. հունվարի 15-ի դեկրետը:

¹⁰ «Известия ВЦИК», 1918, 5 մարտի:

եկավ կառավարության կազմից և հեռացավ քաղաքական գործունեության ասպարեզից: 1918 թ. դեկտեմբերին Պոռշյանը վախճանվեց:

Լենինը գրեց «Ընկեր Պոռշյանի հիշատակին» հատուկ հոդված, որի մեջ բարձր է գնահատել նրա ծառայությունները հեղափոխությանն ու սովետական իշխանությանը, ինչպես նաև նշել է նրա մոլորություններն ու սխալները: «Ինձ վիճակվեց ընկեր Պոռշյանի հետ ծանոթանալ և նրան գնահատել ժողովրդաստիճանում կատարած համատեղ աշխատանքի ժամանակ, երբ ձախ էսեններն ընթանում էին մեզ հետ դաշնակցած,— գրել է Լենինը,— Պոռշյանը անմիջապես աչքի էր ընկնում հեղափոխության և սոցիալիզմի նկատմամբ խոր նվիրվածությամբ: Բոլոր ձախ էսենների մասին չէ, որ կարելի էր ասել, թե նրանք սոցիալիստներ են, նույնիսկ, թեև նրանց մեծամասնության մասին ույզ չէր կարելի ասել: Բայց Պոռշյանի մասին այդ պետք էր ասել, որովհետև չնայած նրա հավատարմությանը ուսումնարանների գաղափարախոսությանը, ոչ-սոցիալիստական գաղափարախոսությանը, ի դեմս Պոռշյանի, երևում էր խորապես համոզված սոցիալիստը...»¹¹: Նույն տեղում Լենինն ավելացնում է, թե «Պոռշյանի մերձեցումը կոմունիզմին անխուսափելի կլիներ, եթե այդ մերձեցմանը չխանգարեր վաղաժամ մահը»:

Հոկտեմբերյան հեղափոխության երկրորդ գլխավոր օջախը Մոսկվան էր, որտեղ մեկ շաբաթ (հոկտեմբերի 27-ից մինչև նոյեմբերի 2-ը) թեժ մարտեր մղվեցին մի կողմից հեղափոխական զինվորների ու կարմիր գվարդիայի, իսկ մյուս կողմից՝ հին կարգերի կողմնակիցների միջև: Մոսկվայում տեղի ունեցած հոկտեմբերյան մարտերում հայ ժողովրդի տասնյակ լավագույն զավակներ էին մասնակցում: Ամենից առաջ հարկ է նշել Պետրոս Հարությունյանցին, որը Ջամոսկվորեցկի շրջանի կարմիր գվարդիայի պետն էր և հմտորեն ղեկավարեց գրոհը օկրուգային զինվորական շտաբի վրա, ինչպես նաև մասնակցեց Կրեմլում ծվարած սպիտակգվարդիականների ջախջախման գործողություններին: Պետրոս Հարությունյանցի հետ միասին Ջամոսկվորեցկի շրջանի հեղափոխական իրադարձություններին մասնակցում էին Ռուբեն Արզարյանը, Արտեմի Խալաթովը, եղբայրներ Պարույր և Վաղարշակ Տեր-Գրիգորյանները¹², Հայկանուշ Նաչարյանը, Ջամոսկվորեցկի շրջկոմի կուսակցական կազմակերպիչ Վ. Տեր-Վահանյանը¹³ և ուրիշներ: Այդ մարտերում հերոսացավ հայ ժողովրդի անվեհեր զուստը, քսանամյա Լուսիկ Լիսինյանը, որը ռազմա-հեղափոխական կոմիտեի նախագահ, պրոֆեսոր Շտերներբերգից ստացած մի մարտական առաջադրանք կատարելիս զոհվեց մարտում և հողին հանձնվեց Կրեմլի պատի մոտ, Կարմիր հրապարակի եղբայրական գերեզմանում: Մոսկվայում հոկտեմբերյան զինված ապստամբության ղեկավար գործիչներից էր նաև Ռուբեն Քաթանյանը, որը Մոսկվայի կոմիտեի անդամ էր. «Известия московского совета», այնուհետև «Известия Военно-революционного комитета», և ավարտ «Вечерние известия» թերթերի խմբագիրներից մեկը, որն այդ թերթերում տպել է բազմաթիվ հոդվածներ հեղափոխական պայքարի ցանազան հարցերի մասին: Հետագայում Ռուբեն Քաթանյանն աշխատում էր կարմիր բանակի գլխավոր քաղվարչության պետի և ապա ՌԿ(Բ)Կ կենտկոմի

¹¹ В. И. Ленин, Полное собр. соч., т. 37, էջ 384—385.

¹² Октябрь в Замоскворечье. М., 1957, էջ 36, 45, 67, 344 և հտ.

¹³ Академик К. В. Островитянов, Думы о прошлом, М., 1967, էջ 156—157.

ագիտացիայի և պրոպագանդայի բաժնի վարիչի պատասխանատու պոստերում, ազնվորեն և պատվով կատարելով ականավոր հեղափոխականի իր պատականությունները¹⁴։

Հոկտեմբերյան հեղափոխության օրերին Բելոռուսիայում էր աշխատում Հովհաննես Ալիբեգյանը, որը 1917 թ. վերջերին ՌԿ(Բ)Կ Մինսկի կոմիտեի նախագահն էր, Բելոռուսիայի հեղկոմի նախագահի տեղակալը, իսկ ղեկմանակալն օկուպացիայի ժամանակ՝ ընդհատակյա մարզկոմի քարտուղարը, հետո արևմտյան մարզի ռազմական կոմիսարը։ Նա է ղեկուցագիր ներկայացրել լենինին արևմտյան մարզում տեղի ունեցած իրադարձությունների մասին¹⁵։

Հեղափոխության հաղթանակի համար մղված մարտերի հերոսական մասնակիցներից էին նաև Հայկ Բժշկյանը՝ փառապանծ Գայը, որն ազգային-ազատագրական շարժման հերոսից, որպիսին էր նա մինչև Հոկտեմբերը, աճեց և դարձավ Հոկտեմբերի հերոս, սովետական դիվիզիայի, կորպուսի և բանակի հիամանատար, լենինյան դպրոցի զորավարներից մեկը, Գառապար Ոսկանյանը, որը 25-րդ լեգենդար դիվիզիայի առաջին կազմակերպողն էր, այնուհետև՝ 4-րդ բանակի հրամանատարը արևելյան Հակառուսում և ապա 12-րդ բանակի հրամանատարը հարավ-արևմտյան ճակատում, Գրիգոր Խախանյանը, որը կարմիր բանակի միավորման հրամանատարն ու ղինկոմն էր և իր զորամասով մասնակցեց Կոլչուկի լորքերի ջախջախմանն ու Օմսկի ազատագրմանը։ Այդ զորավարների և շատ ուրիշ նշանավոր հայ հեղափոխականների ու զորահրամանատարների գործունեությունը լուսաբանված է պրականության մեջ։

Հոկտեմբերյան հեղափոխությունը լայն արձագանքներ առաջ բերեց նաև լուրն Հայաստանում ապրող աշխատավորների մեջ։ 1917 թ. վերջերին և 1918 թ. սկզբներին Հայաստանի մի շարք շրջաններում կոմունիստների գլխավորած սովետները փորձեցին իշխանությունը վերցնել իրենց ձեռքը, իրագործել լենինյան դեկրետներով հայ ժողովրդին տրված ինքնորոշման իրավունքը։ 1917 թ. դեկտեմբերից ձեռնարկվեց Հայաստանի կոմունիստական կուսակցություն կազմակերպելու գործը և հայկական պինված ուժերի համախմբումը¹⁶։ 1918 թ. մարտի 4-ին մամուլում հրապարակվեց Հայաստանի կոմունիստական կուսակցություն ստեղծելու մասին մանիֆեստը¹⁷։ Այդ պատմական փաստաթղթում շարադրված են այն խնդիրները, որոնք ելնում էին Հայաստանի մասին լենինյան դեկրետներից։ Պայքար ծավալվեց Հայաստանի արևմտյան և արևելյան մասերը միավորելու և մեկ միասնական Հայկական սովետական հանրապետություն ստեղծելու համար։ Մական 1918 թ. գարնանից թուրքական և գերմանական զավթիչները նենգորեն խախտեցին Բրեստի հաշտության պայմանագիրը, ներխուժեցին Հայաստան ու Անդրկովկաս և խանգարեցին հայ ժողովրդին իրագործելու իր ինքնորոշման և Հայկական սովետական հանրապետություն ստեղծելու ծրագիրը։

Հայաստանի կոմունիստական կուսակցությունը և կարմիրզավարդիական ջոկատների մեծ մասը կենտրոնացան Հյուսիսային Կովկասում և Սովետական

¹⁴ ЦПА ИМЛ, ф. 17, оп. 60, д. 1, л. 28, 52, дело 15, л. 96 և հտ.։

¹⁵ Партархив белорусского филиала ИМЛ, ф. 35, оп. 1, д. 44.

¹⁶ ЦПА ИМЛ, ф. 17, оп. 4, д. 19, л. 2.

¹⁷ Տե՛ս Հայաստանի կոմունիստական կուսակցության օրգան «Կարմիր օրեր» թերթը, 1918, 4 մարտի։

Ռուսաստանի ուրիշ երկրամասերում, որտեղ ծավալեցին իրենց գործունեությունը Ռուսաստանի կոմունիստական կուսակցության շարքերում և կարմիր բանակում: Հյուսիսային Կովկաս և սովետական Քաբու փոխադրվեցին նաև ՌԿ(բ)Կ կովկասյան երկրային կոմիտեի անդամները, որտեղ նրանք շարունակում էին իրենց հեղափոխական աշխատանքը:

Ռուսաստանի հարավային նահանգներում ապաստան գտած հայ ժողովրդի հազարավոր զավակներ ամբողջովին էվիրվեցին Հոկտեմբերի զաղափարների հաղթանակի համար ծավալված պայքարին: Սպիտակզավարդիականության և ռուսերկրյա զավթիչների դեմ անձնվիրաբար մարտնչող կոմունիստների շարքերում էին նաև հայ ժողովրդի զավակները: 1919 թ. մարտին Սովետական Ռուսաստանի նահանգներում, հատկապես հարավում, հաշվվում էր 10 հազար հայ կոմունիստների մի ջոկատ, որն իր պատգամավորներն էր ուղարկել ՌԿ(բ)Կ VIII համագումարին¹⁸:

ՌԿ(բ)Կ Կենտկոմի Դրոշմամբ հայկական սեկցիաներ էին ստեղծվել Դոնի-Ռոստովի, Եկատերինոդարի, Արմավիրի, Պյատիգորսկի, Աստրախանի, Սարատովի, Սիմֆերոպոլի և ուրիշ կուսակցական կոմիտեներին կից, որոնք հատուկ աշխատանք էին կատարում հայ բնակչության մեջ, համալրմամբ էին նրա ուժերը, օժանդակում կարմիր բանակի համալրմանը: 1918—1920 թթ. Հայաստանի կոմունիստական կուսակցությունը, հայկական կոմիսարիատը և ՌԿ(բ)Կ կոմիտեներին կից հայկական սեկցիաները Մոսկվայում, Ռոստովում, Աստրախանում, Սիմֆերոպոլում և Սովետական Ռուսաստանի այլ քաղաքներում հրատարակել են 19 հայերեն թերթեր¹⁹, որոնց էջերը լեցուն են հոկտեմբերյան ղեկընտնեռով, Լենինի ճառերով ու հոգվածներով, սովետական իշխանության հաղթանակի համար պայքարի կոչերով: Այդ նույն ժամանակամիջոցում հայերեն հրատարակվել են Լենինի 61 աշխատություններ, ինչպես նաև տասնյակ ուրիշ գրքեր և հարյուրավոր կոչեր ու թերթիկներ, որոնք հայ աշխատավորների մեջ տարածում էին Հոկտեմբերյան հեղափոխության զաղափարները:

Հայ աշխատավորներին Հոկտեմբերյան հեղափոխության դրոշի շուրջը համախմբելու ուղղությամբ Հայաստանի կոմունիստական կուսակցության և հայկական գործերի կոմիսարիատի եռանդուն գործունեությունը տվեց իր դրական արդյունքները: Հայ ժողովրդի այն հատվածները, որ գաղթել էին Ռուսաստան հին ժամանակներում կամ 1914—1918 թթ., կանգնեցին սովետների դրոշի տակ:

1918 թ. մարտի 16-ին Սովետական Ռուսաստանի կառավարությունը մամուլում հրապարակում է հետևյալ հրահանգը.

«Բոլոր հեղափոխական կոմիտեներին, հեղափոխական շտաբներին, սովետներին և այլ հիմնարկներին.

Սրանով հայտնվում է ի գիտություն, որ հայկական հեղափոխական կազմակերպությունները իրավունք ունեն ազատ կերպով կազմակերպելու հայկական կամավորական ջոկատներ և վերջիններիս ֆինանսավորելու նպատակով՝ հարկման ենթարկելու հայկական բուրժուազիային: Հիշյալ սովետական

¹⁸ Восьмой съезд РКП(б), протоколы, М., 1959, էջ 472, 457.

¹⁹ Տե՛ս Ս. Ս ա ր գ ս յ ա ն, Հայկական մամուլը Սովետական Ռուսաստանում (1918—1920 թթ.), թեկնածուական դիսերտացիա, Երևանի պետ. համալսարանի գրադարան:

հիմնարկութիւններն ընդհանուր առմամբ արգելք չհանդիսանալ այդ ջոկատների առաջնաժողովների դեպի Հայաստան, ջոկատներ, որոնք կոչված են իրենց հայրենիքը պաշտպանել գերմանա-թուրքական բռնադատիչներից»²⁰։

Այդ դիրեկտիվի հիման վրա լայն շարժում սկսվեց հայերի մեջ՝ մարտական զինված ջոկատների մեջ մտնելու համար։

Հայկական կամավորական ջոկատների կազմակերպումը լայնորեն ծավալվում է Հարավային Ռուսաստանի բոլոր սովետական շրջաններում, Ուկրաինայում, Ղրիմում։ Այդ ջոկատներն սկզբից ձևավորվում էին Ռուսաստանի կարմիր բանակի զորամասերից անկախ, ինքնուրույն կերպով, ենթարկվում էին միայն Հայաստանի կոմունիստական կուսակցության և հայկական կոմիտարիատի ներկայացուցիչներին, պատրաստվում էին Հայաստան մեկնելու համար։ Ջոկատները համալրվում էին հիմնականում Ռուսաստանում գտնվող արևմտահայ փախստականներից, ինչպես նաև արևելահայերից։ Հայ կամավորներին հաճախ միանում էին ռուս և ուկրաինացի զինվորներ։ Հայկական թերթերի ճակատներին հաճախ տպվում էր «Կեցցե Հայաստանի կոմունիստական կարմիր բանակը» լոզունգը։

Թուրքական և գերմանական օկուպանտների ներխուժումը Անդրկովկաս փոխեց իրավիճակը և արդելակեց հայկական կարմիր ջոկատների շարժումը դեպի Անդրկովկաս։ Դեպի Հայաստան ուղևորվող հայկական կամավորական ջոկատները կես ճանապարհին վերակազմվեցին։ Նրանց մի մասը ցրվեց, և զինվորները մեկնեցին իրենց տները, մի քանի հարյուր կամավորներ Խիֆլիսում միացան Անդրանիկի ջոկատին, ոմանք մտան Հայաստանի հանրապետության բանակի շարքերը, իսկ կամավորների մեծ մասը անցավ Հյուսիսային Կովկաս։ Այստեղ ՀԿԿ Կենտկոմի և ՌՍՖՍՀ ազգութային գործերի ժողկոմատի հայկական կոմիտարիատի լիազորների նախաձեռնությամբ հայկական կամավորական այդ ջոկատները միավորվում են մեկ հատուկ զորամասի մեջ։ Հայ աշխատավորներին ուղղված կոչերի մեջ բացատրվում է ստեղծված իրադրությունը և հայկական կարմիր զորք կազմակերպելու անհրաժեշտությունը. «Կարմիր օրեր» թերթը, որը հրատարակվում էր արդեն Պյատիգորսկում, 1918 թ. հունիսից քաջալերում էր հայկական զորաբանակի ստեղծումը։ «Կեցցե Հայաստանի կոմունիստական կարմիր բանակը» լոզունգը չէր իջնում թերթի էջերից։ Այդ ոգով էին գրվում խմբագրական հոդվածները և մյուս նյութերը։ «Բանվորներ, զինվորներ, գյուղացիներ—կարդում ենք «Կարմիր օրեր»-ի մի դիմումի մեջ. Ռուսաստանի հոկտեմբերյան մեծ հեղափոխության ալիքները ծավալվում են Անդրկովկասում։ Կարմիր բանակը տվել է ազդանշանը... Հակահեղափոխության բոլոր մութ ուժերը համախմբվեցին և կատաղի կռիվ են մղում։ Այդ մութ ուժերին օգնության են գալիս թուրքական ֆեոդալիզմի արյունարբու հորդաները։ Հասել է ժամը...»։ Մի ուրիշ կոչում գրված է, որ «ստեղծահան ու թափառական հայ բանվորությունն ու գյուղացիությունը գոհն Հյուսիսային Կովկասում պետք է ըմբռնեն մոմենտի լրջությունը, ստեղծեն իրենց հայկական կարմիր զորամասը և այդպիսով պաշտպան հանդիսանան իրենց շահերին»²¹։

²⁰ ЦПА ИМЛ, ф. 3, оп. 1, д. 129, л. 1; Տե՛ս նաև «Кубанская Правда», 1918, № 57.

²¹ «Կարմիր օրեր», 1918, 3 նոյեմբերի։

Հյուսիսային Կովկասում գործող կոմունիստներ Գևորգ Աթարբեկյանի, Շավարշ Ամիրխանյանի, Գուրգեն Հայկունու, Քաղևոս Մանդալյանի, Արամ Շահգեղյանի և ուրիշների ղեկավարությամբ 1918 թ. ամռանը հայկական մի քանի անջատ կամավորական ջոկատներ միավորվեցին և կազմավորվեց հայկական զունդ, որը շուտով կոչվեց Լենինի անունով²²։ Գնդի հրամանատար նշանակվեց հին, փորձված զինվորական Քազվոր Մակիշյանը։ Հայկական կարմիր բանակային զունդը դուրսով Սովետական Ռուսաստանի կարմիր բանակի Բաղկուցուցիչ մասը և մարտի մեջ մտավ ընդդեմ դինիկինյան բանդաների։ Հալ զինվորներից կազմված առանձին վաշտեր և դրամստաներ ստեղծվեցին նաև կարմիր բանակի ուրիշ գնդերում, իսկ շատ հայ ռազմիկներ էլ համալրեցին կարմիր բանակի ինտերնացիոնալ զորամասերը։

Հայ կարմիրզավարդիակուն ջոկատները մարտական շատ գործեր են կատարել նաև Ղրիմում, Միջին Ասիայում և այլ երկրամասերում։ Թուրքեստանյան երկրամասում հակասովետական բանակների, մասնավորապես էնվեր փաշայի գլխավորած բառմաշտական բանդաների դեմ մղված մարտերում աչրի ընկան հեծյալ միավորման հրամանատար Հակոբ Մելքումյանը, միավորման հետախուզության կազմակերպիչ Գևորգի Սարուխանյանը, զորամասի հրամանատար Ալեքսանդր Տոնիյանը և բազմաթիվ ուրիշ գործիչներ, որոնք ռուսների և տեղական ազգություների զավակների հետ եղբայրությամբ զոհված գնում էին դեպի մարտ, անտեսում վտանգը, մասնակցում Հոկտեմբերի նվաճումների պաշտպանությանը։ Այդ մարտերում աչրի ընկնելու համար Հակոբ Մելքումյանը երկու անգամ պարգևատրվեց Կարմիր դրոշի շքանշանով²³։

Հայ զինվորներ կային նաև կարմիր բանակի շատ այլ զորամասերում և միավորումներում։ Նրանք Հոկտեմբերի դրոշի տակ կոչվում էին բոլոր ռազմաճակատներում։ Կենտրոնական արխիվների նյութերը և կարմիր բանակի չեքոսլովակների անձնակազմի ցուցակների տվյալները մկայում են, որ 1918—1920 թթ. Սովետական Ռուսաստանի կարմիր բանակի զորքերի անձնակազմում ճառագել են ոչ պակաս, քան 25 հսկար հայ զինվորներ, որոնք անձնվիրաբար կոչվում էին Հոկտեմբերի դադափորների լիակատար հաղթանակի համար։

Անհրաժեշտ է ընդգծել նաև այն իրողությունը, որ սպիտակզավարդիական բանակների կազմում չի ձևավորվել հայկական ոչ մի ստորաբաժանում, հակասովետական այդ բանակների կազմում չեն եղել շատ թե քիչ աչրի ընկած ռազմական կամ քաղաքական հայ գործիչներ։ Սպիտակզավարդիականների լազերում մեծքոպատառ հայերենով չի հրատարակվել ոչ մի թերթ ու դիրք։

Այսպիսով, հայ ժողովուրդը Հոկտեմբերյան հեղափոխությունն ընդունեց որպես իրեն ազատագրություն բերող, իրեն փրկող, իր վաղեմի բաղձանքներն իրագործող հեղափոխություն։ Իր հայրենի երկրում, թե լայնածավալ Ռուսաստանի այլ մասերում հայ աշխատավոր մարդը սմենուրեք միացավ Հոկտեմբերյան հեղափոխության բանակներին, ունեցնելով գնաց պայքարի՝ հանուն սովետական կարգերի հաստատման ու ամրապնդման։

Այդ հաղթանակն իր այրքները տարածեց նաև Հայաստանում, ուր 1920 թ. ստեղծվեց Հայկական Սովետական Հանրապետություն, հայ ժողովրդի ազգային ու սոցիալական ազատագրման օջախը, նրա վերածննդի հենարանը։

²² Տե՛ս «Правда», 1919, 11 սարտի։

²³ ЦГАСА, Приказ РВС, № 82, от 31 марта 1924.